



**ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԿՈՆԴԱԿԸ
ԵՐՈՒՍԱՂԵՄԻ ՍՐԲՈՑ ՀԱԿՈՔՅԱՆՑ ՎԱՆՔԻ ԼՈՒՍԱՐԱՐԱՊԵՏ
ԳԵՐԱՇՆՈՐՀ Տ. ՀԱՅՐԻԿ ԱՐՔԵՊԻՍԿՈՊՈՍ ԱՍԼԱՆՅԱՆԻՆ
ԱՐՔՈՒԹՅԱՆ ՊԱՏԻՎ ՇՆՈՐՀԵԼՈՒ ՄԱՍԻՆ**

**ՎԱՋԳԷՆ ԾԱՌԱՅ ՅԻՍՈՒՍԻ ԶՐԻՍՏՈՍԻ,
ՈՂՈՐՄՈՒԹԵԱՄԲՆ ԱՍՏՈՒԾՈՑ ԵՒ ԿԱՄՕՔՆ ԱԶԳԻՍ
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԾԱՅՐԱԳՈՅՆ ՊԱՏՐԻԱՐՔ ՀԱՄԱԶԳԱԿԱՆ ՆԱԽԱՄԵԾԱՐ
ԱԹՈՌՈՑ ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՑ
ՍՐԲՈՑ ԿԱԹՈՒՂԻԿԷ ԷԶՄԻԱԾՆԻ**

**ԳԵՐԱՇՆՈՐՀ Տ. ՀԱՅՐԻԿ ԱՐՔԵՊԻՍԿՈՊՈՍԻՆ ԱՍԼԱՆԵԱՆ,
ԼՈՒՍԱՐԱՐԱՊԵՏԻՆ ՍՐԲՈՑ ՅԱԿՈՔԵԱՆՑ ՎԱՆՈՒՑ, ՀԱՐԱՋԱՏԻ ՈՐԴԻՈՑ
ՄԵՐՈՑ, ՈՂՋՈ՛ՑՆ ՀԱՅՐԱԿԱՆ ԵՒ ՕՐՀՆՈՒԹԻ՛ԻՆ ՀԱՅՐԱՊԵՏԱԿԱՆ
Ի ԳԱՀԷ ՍՐԲՈՑ ՀՕՐՆ ՄԵՐՈՑ ԳՐԻԳՈՐԻ ԼՈՒՍԱԽՈՐԶԻ
ԵՒ Ի ԳԱՀԱԿԱԼԷ ՆՈՐԻՆ**

Աստուծոյ օրհնութեան ներքև կը գտնուին մեր Ս. Եկեղեցին, մեր նուիրապետական Աթոռները և համայն հայ հաւատացեալ ժողովուրդը:

Աստուծոյ օրհնութեան ներքև են նաև Երուսաղէմի Հայոց Առաքելական Ս. Աթոռը և Սրբոց Յակոբեանց միաբանութիւնը:

Ինչքա՛ն ուրախ եղանք, որ անցեալ հոկտեմբերին կարողացանք ուխտի գալ Ս. Զաղաք Երուսաղէմ, համբուրելու մեր Տիրոջ և Փրկչի Ս. Գերեզմանը և Գլխադիր Ս. Յակոբի և Ս. Բեթղեմի նուիրական սեղանները:

Ինչքա՛ն ուրախ ու երջանիկ եղանք նաև ողջագուրուելով ամենապատիւ պատրիարք Տ. Եղիշէ արքեպիսկոպոսի և ամբողջ միաբանության հետ, ողջագուրում, որ Մեր հոգին լեցուց սուրբ և մխիթարիչ զգացումներով, վասնչի տեսանք Մենք, թէ բոլորդ լծուած էք Ս. Աթոռի հոգևոր և նիւթական շինութեան մեծ աշխատանքին, Ձեր սրբազան պատրիարքի իմաստուն և կորովի ղեկավարութեան ներքև:

Մենք տեսանք նաև Ձեր գործունէութիւնը և Ձեր ստանձնած աշխատանքի բաժինը՝ իբրև լուսարարապետ:

Գնահատելով Ձեր այս բարձր պաշտոնը, Ձեր վաստակը և անցեալ բազում տարիներու Ձեր նուիրեալ ծառայութիւնը Հայ Եկեղեցիին, հայ Երուսաղէմին և Մայր Աթոռ Ս. Էջմիածնին, հոկտեմբեր 19-ին Ձեզ շնորհեցինք արքութեան պատիւ, նաև իբրև Մեր եղբայրական սիրոյ արտայայտութիւն Ձեր անձին հանդէպ:

Սոյն Մեր կոնդակով կը հաստատենք Մեր այդ որոշումը և կը մաղթենք Ձերոյ Սրբազնութեան արևշատ ու խաղաղ աշխատանքի բազում տարիներ, որպէսզի միշտ նոյն նուիրումի ոգիով և քաջակորով գործունէութեամբ, շէն ու պայծառ պահպանէք Հայոց Ս. Թակոբի պատմական և սրբազան Տաճարը, Տաճար սրբութեան, Տաճար լոյսի և յոյսի, և համբաւեալ սրբատեղ համայն հայ հաւատացեալ ժողովուրդի համար:

Մեր Տիրոջ և Փրկչի Իջման Ս. Սեղանէն և Ս. Լուսաւորչի անմար կանթեղէն սիրոյ ողջոյն Ձերոյ Սրբազնութեան, իբրև զինուորեալ սպասաւոր և արթուն լուսարար հայ Երուսաղէմին և Ս. Թակոբին:

«Ողջ լերութ, զօրացեալ Ս. Հոգւով և յաւէտ օրինեալ ի Տեառնէ և ի Մէնջ»:
Ամէն:

Վահագն Դ.

Տուաւ կոնդակս ի 20-ն յունուարի
1964 Փրկչական ամի,
և ի տումարիս Հայոց ՌՆԺԳ,
ի մայրավանս Սրբոյ Էջմիածնի:

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ